



Broj: 05.09/1-04-39560-48/25
Sarajevo, 06.08.2025. godina

SKUPŠTINA KANTONA SARAJEVO

-OVDJE-

PREDMET: Odgovor na zastupničko pitanje zastupnika Faruka Selmanovića, dostavlja se

Veza Vaš akt br: 01-04-39560-4/25 od 15.07.2025. godine

Dana 21.07.2025. godine, Ministarstvo komunalne privrede, infrastrukture, prostornog uređenja, građenja i zaštite okoliša zaprimilo je predmetni akt, na nadležno postupanje sa prilogom, zastupničko pitanje zastupnika Faruka Selmanovića.

Zastupnik Faruk Selmanović je na 24 (dvadesetčetvrtoj) radnoj sjednici Skupštine Kantona Sarajevo, održanoj dana 15.07.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članovima 211. i 214. Poslovnika Skupštine Kantona Sarajevo uputio zastupničko pitanje koje je dostavio u pisanoj formi, da se u skladu sa odredbama Poslovnika Skupštine Kantona Sarajevo odgovor dostavi u pisanom obliku.

Zastupnik Faruk Selmanović uputio je slijedeće pitanje:

"Kako je određen termin odvoza kabastog otpada na području Kantona Sarajevo i na osnovu kojih kriterija se realizuje isključivo kroz dvije glavne akcije godišnje, i to jednu proljetnu i jednu jesenju? Posebno molim pojašnjenje zašto se odvoz kabastog otpada vrši radnim danima, što mnogim građanima otežava učestvovanje u ovim akcijama?"

Odgovor

Dana 22.07. 2025. godine, odmah nakon zaprimljenog predmetnog akta na nadležno postupanje, Ministarstvo komunalne privrede, infrastrukture, prostornog uređenja, građenja i zaštite okoliša je zastupničko pitanje zastupnika Faruka Selmanovića, uputilo KJKP "Rad" d.o.o., da dostave odgovor.

S tim u vezi, zaprimili smo odgovor KJKP "Rad" d.o.o. Sarajevo, broj: 03-01-04/3789/25 od 30.07.2025. godine, koji Vam u prilogu i dostavljamo.

Prilog: Odgovor KJKP "Rad" d.o.o. broj: 03-01-04/3789/25 od 30.07.2025. godine

S poštovanjem,



Dostaviti:

1. Skupština Kantona Sarajevo;
2. Stručna služba Vlade KS – na znanje;
3. Lice za koordinaciju izrade odgovora na poslanička/zastupnička pitanja i inicijative- na znanje;
4. Evidencija;
5. Arhiva.

Pripremila: Amila Jamaković
Kontrolisao: Dževad Čeljo
Muhamed Bekto





Kantonalno javno komunalno preduzeće "RAD" d.o.o.

Paromlinska 57, 71000 Sarajevo, Bosna i Hercegovina


Telefon: Centrala 033/658-038; Fax: 033/656-812 ; Eko telefon: 033/660-000
E-mail: jkpradsa@bih.net.ba; Web: www.rad.com.ba; Viber i WhatsApp poruke: 062/220-330
ID broj: 4200316890001, PDV broj: 200316890001, Poreski broj: 0170010500, Šifra djelatnosti: 38.1
Preduzeće registrovano kod: Kantonalni sud u Sarajevu, Rješenje broj U/I 1664/89, Matični reg.broj 1-

Naš broj: 03-01-04/ 3789 /25
Sarajevo, 30.07.2025. godine

04 -08- 2025

098

Federacija BiH
KANTON



Kanton Sarajevo
Ministarstvo komunalne privrede,
infrastrukture, prostornog uređenja,
građenja i zaštite okoliša
Reisa Džemaludina Čauševića br. 1
71000 Sarajevo

Predmet : Odgovor na dopis broj 05/09-01-04-39560-4/25, od 22.07.2025. godine

Poštovani,

Na osnovu Vašeg dopisa, broj 05/09-01-04-39560-4/25, od 22.07.2025. godine, a u vezi zastupničkog pitanja zastupnika Faruka Selmanovića, dostavljamo Vam sljedeću informaciju.

KJKP „RAD“ d.o.o. Sarajevo u saradnji sa Ministarstvom komunalne privrede, infrastrukture, prostornog uređenja, građenja i zaštite okoliša i Službama za komunalne poslove svih Općina u Kantonu Sarajevo, provodi akciju prikupljanja i odvoza kabastog otpada dva puta godišnje, u proljetnom i jesenjem terminu.

U kabasti otpad spada (Zakon o komunalnoj čistoći, član 5, tačka c), stav (2) „Službene novine Kantona Sarajevo“ broj 14/16, 43/16, 19/17, 20/18 i 22/19): stari namještaj, aparati za domaćinstvo, kartonska, limena i drvena ambalaža i druge glomazne stvari.

Mjesto i vrijeme odlaganja otpadaka iz člana 5, tačke c), stav (2) određuje kantonalni organ nadležan za komunalne poslove u dogovoru sa općinskim organom nadležnim za komunalne poslove i komunalnim preduzećima.

KJKP „RAD“ dostavi Ministarstvu komunalne privrede, infrastrukture, prostornog uređenja, građenja i zaštite okoliša i Općinskim Službama za komunalne poslove dostavi prijedloge termina i lokacija za odlaganje kabastog otpada. Po usaglašavanju termina i lokacija, općinske Službe za komunalne poslove, dostave te podatke, svim Mjesnim zajednicama, kako bi građani bili obaviješteni. KJKP „RAD“, također, obavještava građane o terminima odlaganja i odvoza kabastog otpada.

U jednoj Općini akcija traje sedam dana. Građani trebaju odložiti otpad u toku vikenda na lokacije, koje su dogovorene sa općinskim Službama za komunalne poslove. Ukoliko neki građani nisu bili u mogućnosti da odlože kabasti otpad u toku vikenda, isti mogu odložiti u periodu dog traje akcija u toj Općini. Obzirom da se radi o velikim količinama kabastog otpada, KJKP „RAD“ ima obavezu da isti ukloni u toku sedmice.

Dugo vremena su se građani pridržavali termina odlaganja otpada, da bi u posljednjih nekoliko godina, dosta građana ne poštuje termine i svakodnevno odlaže kabasti, građevinski, biootpad i drugi otpad, pored posuda za komunalni otpad ili na druge lokacije, gdje nema posuda za komunalni otpad.

KJKP „RAD“ je imao u planu uvođenje još dva termina prikupljanja i odvoza kabastog otpada, ali pošto građani, nastavljaju svakodnevno odlagati kabasti otpad, odmah poslije provedene akcije, nije došlo

* do realizacije. Kabasti otpad se nepropisno odlaže svakodnevno, a KJKP "RAD" odvozi u najkraćem mogućem roku.

Građanima je omogućeno svakodnevno odlaganje kabastog otpada na četiri (4) reciklažna dvorišta u Kantonu Sarajevo, koja su otvorena u četiri Općine, Novi Grad (u krugu RCUO Smiljevići), Novo Sarajevo (u krugu KJKP "RAD"), Ilijaš (u krugu KJKP "RAD") i Trnovo (u krugu KJKP "RAD"), koja građani ne koriste u punom kapacitetu. U planu je otvaranje većeg broja reciklažnih dvorišta, za koja Općine trebaju pronaći lokacije i pripremiti potrebne dozvole.

Također, građanima je ponuđena opcija da pozovu KJKP "RAD" i dogovore termin odlaganja otpada, koji je usklađen sa terminom prolaska vozila za prikupljanje kabastog otpada.

Veliki problem predstavljaju građani ili vlasnici manjih građevinskih firmi koji renoviraju kuće i stanove, pa sav kabasti i građevinski otpad odlažu pored kontejnera. Vlasnici voćnjaka, travnjaka, bašti, itd. sve grane koje osijeku, travu koju pokose ili bašte koje očiste, odlože pored posuda za otpad.

KJKP "RAD" nema problema sa prikupljanjem i odvozom kućnog otpada, ali nam ozbiljne probleme stvara nelegalno odlaganje kabastog, građevinskog, biootpada i drugog otpada u toku čitave godine. Zakon o komunalnoj čistoći je puno toga definisao, ali je kaznene odredbe vrlo teško provesti. Molimo predstavnike zakonodavne vlasti u Kantonu Sarajevo, da pripreme promjene u Zakonu o komunalnoj čistoći, kako bi se definisala ova oblast. Na osnovu pozitivnih praksi iz Evrope, može se nešto slično primjeniti i u Kantonu Sarajevo ili čak na nivou Bosne i Hercegovine. Zaštita okoliša je veoma bitna i na njoj trebamo svi poraditi. KJKP "RAD" se sam ne može izboriti sa ovakvim načinom nekontrolisanog odlaganja kabastog, građevinskog, biootpada i drugog otpada, već je potrebna šira akcija čitave zajednice. Prvenstveno je potrebno urediti pravne okvire u ovoj oblasti, a Vi kao zastupnik u Skupštini Kantona Sarajevo, možete pokrenuti proceduru izmjena i dopuna Zakona o komunalnoj čistoći, kao i donošenje novog Plana upravljanja otpadom u Kantonu Sarajevo. KJKP "RAD", kao preduzeće koje održava javnu higijenu u Kantonu Sarajevo, svakako želi aktivno učestvovati u procesu donošenja izmjena i dopuna zakona iz komunalne oblasti, u cilju podizanja stepena javne higijene i zaštite okoliša.

S poštovanjem,

V.D. DIREKTOR

Mirsad



Dostaviti:

1. Naslovu
2. a/a